

帶經堂集卷二十七

欽門程哲校編

漁洋續詩五 壬子稿

新城王

去禎賒

上館藏
齊亞葉

防秋

聞道防秋急千山復萬山
傳烽來熨道插羽過靈關
屬國何嘗絕懸軍且未還
却思漢丞相心力盡
征蠻

同鄭水部飲某都督宅

幕府開高宴軍城報暮秋
風霜嚴壁壘貔虎靜更籌
蕃部休移帳元戎已伐謀
遙憐征戎苦坐甲雪

山頭

漁洋續詩卷五

登成都西城樓望雪山

秋老錦官城西風捲旆
旌霜高屋浦落日出雪山
明黎雅初增戍松潘未罷兵
誰能凌絕頂萬里一
崢嶸

金方伯邀泛浣花溪二首

解纜江村外溪沙失舊痕
夕陽來灌口秋水下彭門
清吹臨風緩神鴉得食喧
百花潭上好新月破
黃昏

萬里橋邊去還多弔古情人煙過蠶市新月上龜

城寂歷更漏發蕭條鱗甲生迴看草堂路修竹水
蕪平

王蜀徐妃詩又
驅金翠入龜城

九日謁昭烈惠陵

萬里登高日橋山白露寒至今悲蜀帝何處問祠
官杳杳衣冠閑淒淒封樹殘錦江非渭水猶作霸
陵看

武侯祠別鄭次公水部

白雁三秋候青山萬里橋與君俱絕域此別更魂
銷遺廟丹青盡荒陵草木凋

祠西即
惠陵

平羌江上水相

望隔風潮

三三
七七九

漁洋續詩卷五

二

金花橋道中作

半年浪迹錦城遊纔數歸程已暮秋晚照開時見
千里寒鴉飛盡過雙流眼明修竹橫塘路心逐江
雲下峽舟異域忽驚搖落久今宵一醉失鄉愁

雙流縣

今廢入
新津

路近雙流縣縈紆一徑斜雞鳴深竹裏暝色幾人
家日暮寒雲合城荒野蔓遮愁將蓬鬢色絕域老
霜華

新津縣渡江

南過蠶叢國秋風正授衣青山初日上黃葉半江

飛修竹連千畝高栴徑十圍臨流呼渡舸極目一
清暉

修覺山下

田中處處稀秧馬竈下家家爨籩龍記取新津江
畔路蒼崖紅樹雜秋冬

眉州謁三蘇公祠

祠即故宅今
爲眉山書院

墓頭山色腴不枯玻璃江水如醍醐眉州城郭劫
灰後水媵漠漠成榛蕪郵亭下馬詢老卒蘇公故
第城西隅旋來東帶薦蘋藻辰良何必煩神巫往
者此地鐵腳亂

順治初有賊據
眉號鐵腳蠻

高門大宅皆焚如此祠

三三六

源洋續詩卷五

三

巋然誰所作維公大節驚頑愚雙栢輪困溜霜雨
廷立冠劍古丈夫長公遺像龍眠筆馬券剝落涪
翁書

祠有石刻龍眠畫東坡像頽賞
贊又坡書玉泉驛券山谷有跋

殘碑插笏尚林立紫藤

碧蘚纏龜趺祠西一水最蕭瑟經霜菡萏猶扶疎

甘蔗一丈覆簷雷落花亂迸紅珊瑚當年結構不

草草要令咫尺成江湖故園如此不歸老與人家

國徒區區瓊儋雷藤歷九死口甘熏鼠隨猿狙頭

網八餅有何意枕榔萬里非吾廬兩公神靈未磨

滅應翳白鳳遊清都遊戲下界亦聊爾鯤鵬豈必

捨枋榆眉州玻璃天馬駒

陸務觀詩句坡
璿春眉州酒名

酌公三酌公

歸乎

雨發

五更吹角罷細雨出眉州雜樹堆紅葉蠻荒感白
頭岷峨雲氣接邛犍亂山稠東望玻璃水風前葉
葉舟

眉州松江

暮頤山色盡空濛憶昨蘇祠卷碧筒殘醉未醒排
馬去松江秋雨似吳淞

石佛山懷東坡先生

坡公寄子由詩卜田向何許石佛山南路下有爾家川千畦種秔稌

遺祠蒿穰蔓寒煙石佛山南更可憐欲問先生卜

三十五

源洋續詩卷五

四

田處西風何處爾家川

夾江道中寄朱峨眉方菴兼懷蔣修撰虎臣

蔣時卧病峨

眉伏虎寺

絕域相逢感鬢華幾行清淚落悲笳愁中巫峽暮
雲合望裏峨眉秋月斜方丈一燈誰問疾孤帆萬
里客還家故人咫尺不相見夢繞平羌江水涯

夾江縣

地近川南好孤城罨畫間江山真萬里雨雪到諸
蠻馬渡青衣水雲遮紫目關大峨眉天半落相見一

開顏

夾江道中二首

沈黎東上古犍爲紅樹蒼藤竹亞枝騎馬青衣江
畔路一天風雨望峨眉

嘉陽驛路俯江流寒雨瀟瀟送暮秋誰識蠻中風
景別洋州風竹戴嵩牛

九盤望峨眉

紺壁臨千仞蕭蕭木葉黃水流通越雋峰遠入江
陽十月蠻雲澹三峨積雪蒼來朝掛帆去回首意
茫茫

九盤

漁洋續詩卷五

五

燕子碕高曾按轡飛仙閣迴獨題詩九盤山下瀉
江水石棧縈空又一奇

竹公溪二首

漏天未放十分晴處處江村有笛聲水遠山長聽
不足竹郎祠下竹雞鳴

竹公溪水綠悠悠也合三江一處流珍重嘉陽山
水色來朝送客下戎州

入嘉州即問丁東院無知者過高望山趾廢
寺鄭生曰丁東寺也訪方響洞尚存感而

賦詩

廿年夢想丁東院何意丁東院裏來山水清音空
復在劫灰殘燒自生哀井欄僧汲稀銅鉢石甃秋

深長綠苔不遇江南老桑苧風爐誰遣試茶盃

效荆
丁東

院詩我是江南老桑苧諸君小住共茶盃山谷詩古人題作丁
東水自古丁東直到今我爲更名方響晉洞始知山水有清音

登高望山絕頂望峨眉三江作歌

四海復四海九州還九州河伯海若更相笑螭蛄
何足知春秋今年辭帝蓬萊宮乘風偶作西南
遊中條姑射不足數失喜太華揚高旒河潼遠坵
臣靈跼鈎梯百丈臨龍湫終南太白幻雲物秦棧
詰屈哀猿愁錦城小住五十日岷山秀色垂簾鈎

四
五
山

漁洋續詩卷五

六

青城玉壘尻首接灌口屈注雙江流興極欲躡大

峨眉脊却騎瘦馬來龍游嘉州畫枕江上孤峰縹

緲東南浮神霄玉清有遺跡登臨可以消煩憂躡

泥盤盤到絕頂江山披豁開雙眸峰巒八面簇金

碧下瞰江海如浮漚八十四盤在衣帶氣凌五岳

驕公侯暮雲早雪互明滅兜羅綿現無時休岷江

從東來奔騰迴萬牛沫水滙青衣簸蕩千斛舟三

江九峰倏然合丹崖翠嶂窮雕鏤江山竒麗冠天

下何意絕景來蠻陬天風蓬勃日西墜搔首欲去

仍淹留荆吳萬里自茲始來朝起柁尋巴丘

三登高望樓作

風流曾說荔支樓欄檻高明壓四州

謂戎眉
印雅也

峨頂晚

霞寒白雪江心殘照出烏尤雲煙早暮還殊態
楓柏丹黃只似秋自笑心情無賴甚清晨臨眺不梳

頭

曉渡平羌江上凌雲絕頂

真作凌雲載酒遊漢嘉奇絕冠西州九峰向日吟

江葉三水通潮抱郡樓山自涪翁亭畔好泉從古

佛髻中流東坡老去方思蜀不願人間萬戶侯

坡詩
生不

願封萬戶侯亦不願識韓荆州但願身為漢嘉守載酒時作凌雲遊

三十九

漁洋續詩卷五

七

凌雲雜詠五首

爾雅臺

郭景純

郭生注蟲魚遺跡空山裏何處蔡充兒幾為勸學

死

大佛閣

韋南康鑿閣燬於
袁韜唯佛像存

三十六莊嚴不生亦不滅朝夕三江潮如聞廣長

舌

治易洞

宋吳秘

古洞何方廣垂蘿覆巖石想見昔年人研朱點周

易

清音亭

東坡

振衣清音亭松桂鳴騷屑坐對大峨峰雲消露殘雪

洗墨池

東坡

初日石梁上猶傳洗墨池故山歸未得空和淵明詩

漢嘉竹枝五首

今嘉定州

龍游城郭碧玻璃西望三峨曉黛滋分取三江作明鏡鏡中各自照蛾眉

城頭山色入虛無城下清波望鬱姑白塔紅船歸

漁洋續詩卷五

八

去晚嘉州也復有西湖

側生一樹會江門水遞年年進大藩寂寞蜀宮三十載夕陽零落荔支園

竹公溪口水茫茫溪上人家賽竹王銅鼓蠻歌爭

上日竹林深處拜三郎

平羌峽裏府江來西望青衣抱郭迴大佛足前相會合早潮晚汐不分開

三江岷江東來青衣水沫水西來至大佛前乃合流坡公詩奔騰過佛脚土人

謂岷江為府江即錦江也

嘉陽登舟

青衣江水碧鱗鱗夾岸山容索笑新悵望三峨九

秋色飄零萬里一歸人亭臺處處餘金粉城郭家家繞綠蘋信宿嘉州如舊識荔支樓好對江津

江行望烏尤山

墨魚吹浪一江浮爾雅臺荒古木秋碧水丹山留不得風颿迴首別烏尤

犍爲道中

潮音閣下戒舟航迴首凌雲墮渺茫土俗漸臨巴子國江流遙接楚人鄉爐熏細細縈琴薦荻葉蕭蕭映筆牀天外峨眉如送客晴雲千片白毫光

犍爲縣

源洋續詩卷五

九

伐鼓犍爲郡清晨江霧黃城根藏杳靄帆勢入蒼茫古道唐蒙使輕舟陸賈裝西南皆郡縣何處夜郎王

兵欄舟中

山色高懸紫鞮鞞江光倒射黃琉璃摩圍居士風流在爲訊戎州綠荔支

山谷晚號
摩圍居士

敘州鎖江亭晚眺

望望朱提路夕陽千萬山落霞明極浦飛鳥近南蠻城角旌竿直江亭鐵鎖閑鬱姑臺咫尺煙靄畫

圖間

南溪縣贈趙令勝千

廳事槐根出空城斷岸侵人多竈下養君是邑中
黔燈火宣華夢彞歌濮獠音江安挂帆去揮手夕
陽沈

江安縣

斜日玉津渡青山銅鼓灘蠻江來浩蕩行路飽艱
難晚市稀橙客荒園罷橘官波濤三百里猶是怯
兵欄

清溪

納溪縣西五里太白詩
夜發清溪向三峽即此

蠻雲漏日影淒淒夾岸蕭條紅樹低好在峨眉半

三五五三

漁洋續詩卷五

十

輪月伴人今夜宿清溪

瀘州登忠山

江源分內外千里會瀘州歷歷五峰影茫茫三峽
流青山煙外寺黃篾水邊樓夕照層城暮迴風引
棹謳

撫琴渡

尹伯奇
彈琴處

明月生琴渡似聞彈履霜猿聲何處發今夜宿江
陽更有巴渝曲能霑旅客裳楓林前路遠葉葉似
瀟湘

晨起渡江登五峰過北巖寺

江郭曉煙合攜琴來五峰水容青滑笏山態碧玲瓏雲樹孤城外風帆小市東香林迴望好下界一空濛

江陽兒祠

華陽國志云光武微時過江陽有一子新莽時人言江陽有貴兒氣求得殺之光武即位乃爲立嗣

不使冠帶

悵望平陵松柏枝漢兵已集漸臺基不知白水真人氣枉向江陽殺貴兒

江陽竹枝三首

今瀘州

錦官城東內江流錦官城西外江流直到江陽復相見暫時小別不須愁

三首

浦洋續詩卷五

十一

妾如江心黃龍堆江枯石爛長崔嵬郎如治平寺中塔戎州西望忽飛來

相傳敘州北江干塔頂飛至瀘州治平寺塔上而止

江邊草色映春衫百五梨花葉葉帆齊向城南蹀青去繫舟多在使君巖

敘州流盃池瀘州使君巖皆山谷先生舊遊都
不及訪悵然賦此

憶昨登凌雲江邊躡亂石興劇罷鞍馬逍遙散輕策徑危草露多處處見虎跡東林雨新霽初日射青壁浩蕩三江流安穩平如席西笑揖峨眉遙連雪山白酒酣挂帆去矯若生羽翮心知流盃池遺

踪在巴楚俗物敗人意交臂輕一擲今日使君巖
南望還咫尺通詞託微波蹇修空脉脉平生一瓣
香敢為涪翁惜如何萬里遊虛此幾兩屐迴首望
南雲蠻江日將夕

合江縣

鯁部蠻荒水東南裂地來江臨巴子閩山倚少岷
開故國音書絕天涯老鬢催渝歌聲太苦中夜起
徘徊

合江早發

放溜殘更裏熹微霽色閑鴉飛符縣北日出少岷

三三七七

漁洋續詩卷五

十一

山泉水當渝會扁舟下瀨還客心爭歲暮猶自滯
烏蠻

西涼神祠曲

在合江縣符堅時呂光討李于焉之亂至此土人
祠之陸務觀詞祠詩我雖不識神知是山水人

不敢持笏來袒裼整幅巾
似未詳本末賦詩正之

長安氏王頭有角東掃鄴宮西定蜀西域校尉婆
樓兒勒銘直到岷山腹功成振旅咸陽中萬里玉
門旌旆紅三十六國拜都護酒酣作賦龜茲宮甲
乙讖成苻氏滅魚羊食人日流血黑龍晝起姑臧
城坐制三河亦人傑少岷山下岷江流西涼廟貌
凌高秋山頭龍出作雲雨神靈雜沓風颼颼煙消

雨散渺何許靈欲歸兮憺容與船旗獵獵西北斜
落日陰房竄蒼鼠

荔支灘

符關東下水漫漫捩柁開頭曉夢殘驚看盤渦如
箭發片帆飛渡荔支灘

大磯腦即目

削壁臨江勢欲傾丹砂蘸葉一江明囊中正有鷺
溪絹只少黃筓為寫生

棹歌

紅葉磧邊紅葉飛黃魚沱上黃魚肥百丈牽江怯

三〇七二

漁洋續詩卷五

三

西上三巴迎客好東歸

江津縣晚泊寄懷李綏陽公凱

路入江州愛晚晴青山紅樹眼中明斜陽潮送孤
舟上沙岸人牽百丈行故國至今悲蔓子乘槎曾
共訪君平城南便是牂柯路一夕相思白髮生

渝州夜泊

塗山斜月落巴國曙雞鳴亂艇煙初合三江潮夜
生霜寒催曉角石氣肅高城不寐聞猿嘯迢迢入
峽聲

題三忠傳

故四川巡撫陳公士奇重慶知府王公行儉巴縣知縣王公錫

已失夔門險誰云蜀道難三江潮不到萬馬競傳
餐故國悲張許忠魂泣賀蘭當時渝水上慷慨白
衣冠

塗山絕頂眺望

飛瀑落長虹登臨見禹功山圍巴子國苔沒夏王
宮峒俗烏蠻近畚耕白帝同渝州天塹地感慨大
江東

舟出巴峽

曲折真成字滄波十月天雲開見江樹峽斷望人
煙新月數聲笛巴歌何處船今宵羈客淚流落竹

三三

源洋續詩卷五

十四

枝前

長壽縣弔雪菴和尚

枳縣秋風愴客魂金川遺事忍重論誰從魚服悲
宗國唯有烏朝戀舊恩葉下沅湘愁北渚蕪生鄢
郢哭東門至今松柏灘頭水嗚咽寒潮弔屈原

涪州石魚

涪陵水落見雙魚北望鄉園萬里餘三十六鱗空
自好乘潮不寄一封書

早登涪州北巖訪伊川先生注易洞憩碧雲

亭

巖有山谷題鈎
深堂三大字

雞鳴截江去磊落見殘星古洞生蒼蘚層巖列翠
屏五溪秋水岸萬里碧雲亭蜀洛清流盡千秋忌
獨醒

麻姑洞二首

神仙官府事紛然懶漫誰能更學仙但乞麻姑爬
背癢餘杭兌酒此中眠
洞口無人蘚自青蓬萊清淺幾曾停他時小別三
千歲又似當年過蔡經

忠州謁禹廟

空山神禹廟終古對巴臺玉座秋苔長江雲暮雨
來八蠻通道路九鼎沒蒿萊黑水梁州地茫茫問
劫灰

屏風山謁陸宣公墓

賈傅長沙謫靈均澤畔吟千秋同涕淚萬里更登
臨劔北崎嶇日山東父老心陽城如可作爲我助
霑襟

詢白公東坡不得二首

巴歌渝唱總紛紛長慶新詩久不聞欲訪東坡但
搔首浪花高捲入蠻雲

東坡東澗綠成陰刺史當年惠愛深想見竹枝歌

舞處木蓮花映水林檎

壤塗早發

夢迴峽月落卧聽舟人語風便五更潮天明到南

浦

萬縣古
南浦地

萬縣有感

千秋南浦地險阻控三巴惡少仍雕面通侯各建
牙何人飼豺虎吾道一龍蛇鼓角寒城暮江流捲
白沙

岑公洞

岑公昔學道遺跡空山中洞門界飛流白日生雷

三十九

漁洋續詩卷五

十六

風石髓無古今鍾乳盡玲瓏巖泉日穿穴點滴成
窪窪中央若累碁狡獪造化功頽竈倚青壁中夜
丹砂紅矇彼遺世翁於此悟參同壁間題字入歲
月何匆匆巨碑亦笏立文詞競豪雄中間岑襄州
頗擅語句工豈其南陽裔源流故難窮此洞與魯
池望望江流通昔是仙靈宅今為豺虎叢太息下
山麓風健孤帆東

元符間岑巖起象求虛鑿真人贊一碑李騰方
叔所書岑洞魯池今皆為侯家所有築砦其上

雲陽縣二首

杜老稽留地經過感倍生親知稀見面豺虎日橫
行肺病誰相慰江流只自清千秋同灑淚回首謝

浮名

十月雲安縣千崖石氣青江寒風颯颯猿嘯雨冥
冥鹽井筒時汲巴歌酒易醒天涯連歲暮心折杜
鵲亭

帶經堂集卷二十七

六三

漁洋續詩卷五

十七

帶經堂集卷二十七

冥冥其間
十月雲安縣千崖石氣青江寒風颯颯猿嘯雨冥冥

帶經堂集卷二十八

欽門人程哲校編

新城王士禎貽上

漁洋續詩六

壬子稿

晚登夔府東城樓望八陣圖

永安宮殿莽榛蕪
炎漢存亡六尺孤
城上風雲猶護蜀
江間波浪失吞吳
魚龍夜偃三巴路
蛇鳥秋懸八陣圖
搔首桓公憑弔處
猿聲落日滿夔巫

漢西謁少陵先生祠五首

萬古漢西宅斜連
峽口關高雲魚武
縣秋水麝香山老
作諸侯客心依供
奉班樊川臨素漉
遺恨不

漁洋續詩卷六

一

生還

白髮三川客新詩
百鍊功飄零逐猿
鳥得失感雞蟲弟
妹干戈裏朝廷涕
淚中浣花形勝地
回首雪

山風

浩劫遺祠在依然
白帝城岸連巫峽
影門對蜀江聲太
息隆中業平生庾
信情艱難詩萬首
夔府至今名

已見浮三峽還憐
到九疑湘娥何處
是楚客至今悲槎
繫南溟近天連北
斗垂江陵空望幸
愁絕侍

臣詩

欲去頻回首停舟豔潁堆東屯渺雲水西閣莽萬
萊感事悲諸將懷人賦八哀昆明遺碣在落葉滿
蒼苔

祠有石刻秋興詩僅存昆明池水一首

登白帝城

赤甲白鹽相向生丹青絕壁鬪崢嶸千江一線虎
鬚口萬里孤帆魚復城躍馬雄圖餘壘跡卧龍遺
廟枕潮聲飛樓直上聞哀角落日濤頭氣不平

謁白帝城昭烈武侯廟

赤岬山頭雲氣蒼楓林蕭瑟落微霜魚人故壘生
秋草鳥道寒空挂夕陽當日君臣真灑落至今祠

漁洋續詩卷六

二

廟有輝光江流薄暮聞笳鼓回首中原泣數行

舟下瞿唐別陳東海都督

十月瞿唐峽孤根豔潁堆風雷高白帝雲雨暗陽
臺朱鷺軍中樂青楓渡口孟漢西迴望好欲去且

徘徊

登高唐觀

西上高唐觀陽雲對舊臺瑤姬何處所望遠獨徘
徊恍忽荆王夢芳華宋玉才細腰宮畔柳併作楚
人哀

神女廟

篁篻山下路遺廟問朝雲冠古才難並流波日曛
玉顏空寂寞山翠自氤氳東望章華晚含情尚
為君

巫峽中望十二峰

十二峰娟妙輕舟望是非青天半雲雨夕日亂煙
霏瀑水臨江合三分水神鴉出洞飛朝雲無處所應待

楚王歸

三分水即事

十二峰頭雲雨開蘅芳斷續客徘徊問程裁過三

分水已見神鴉逐棹來

神女廟有神鴉迎送客舟

三十一

漁洋續詩卷六

三

巴東秋風亭謁寇萊公祠二首

秋風亭上望搖落值秋風巫峽千帆上荆門一水
通清猿吟楚塞客淚落巴東故相還祠廟淒其伏
臘同

壽寧何代寺猶說相公泉澹沲清江去淒涼古佛
前傳芭哀楚些特筆記澶淵不見雷陽竹中書事
可憐

抵歸州

亂石歸州郭危檣蜀客舟江山悲屈宋戰伐憶孫
劉西道連魚復東門望夏丘興亡紛在眼袞袞大

江流宜都又名西道

歸州書感

歷歷青山遠更圍蕭蕭紅葉晚爭飛一天暮雨來
巫峽萬里寒潮到秭歸郢路蒼茫衰草徧楚宮蕪
沒昔人非灘聲半夜堪頭白沉復天涯未授衣

秭歸夜泊

江水茫茫去西風感鬢絲峽深夔子國月上屈原
祠灘響晝夜方急猿聲寒更悲楚天搖落後何處採
江離

宋玉宅

漁洋續詩卷六

四

登山臨水客將歸及到歸鄉又落暉宋玉宅邊秋

水急似聞九辯淚霑衣

歸州古名歸鄉

五更山行之屈沱謁三閭大夫廟

斜月楚山外寒江初上潮左徒遺廟在未惜馬蹄
遙國破憐哀郢魂歸賦大招雲旗空悵望迴首木
蘭橈

題三閭大夫廟四首

懷沙千古恨弭楫弔靈均眇眇思公子依依問楚
人招魂龍貝闕遺恨虎狼秦愁絕涪陽浦年年杜
若春

湘纍哀怨地自昔有遺音曉日空舸岸孤帆楓樹
林數窮詹尹策魂斷女嬃砧欲問離騷意巴東猿
夜吟

久客懷往路還登江上祠美人惜珍髣衆女妬蛾
眉楚澤凋蘭葉巴巫唱竹枝九歌何處續宋玉有
微詞

鷓鴣鳴何早鳥飛思故鄉如何懷郢路終自棄沅
湘三戶餘秋草千山滿夕陽武關嗚咽水猶怨楚
襄王

峽中舟夜

漁洋續詩卷六

五

酒殘香燼暮江深遙夜孤舟楓樹林三峽流泉爭
送客不須更聽七絃琴

新灘二首

楚蜀諸灘首險在
兵書空舸二峽間

上灘嘈嘈如震霆下灘東來如建瓴督過前山纔
一瞬鷓鴣啼處到空舸

兵書峽口石橫流怒敵江心萬斛舟蜀舸吳船齊
著力西陵前去賽黃牛

空舸峽

月吐空舸峽流光楚塞旁漁燈搖宿鷺蓬背受新
霜青草煙波闊黃牛朝暮長曾爲雲夢客迴首憶

高唐

黃陵廟二首

廟後峰頂有人
牛像宛然如畫

峽裏黃陵廟千秋俎豆新
禹功思癸甲靈笈佐庚辰
灘石冬逾壯風帆捷有神
旌旗臨絕壁長照大江濱

秭歸來百里突兀見黃牛
下水纔朝暮行人已白頭
山川夔路險疏鑿禹功留
尚憶平成日茫茫辨九州

登蝦蟆碚

黃牛打鼓朝發船碧波白鳥爭清妍
迥首名山大

三四六

漁洋續詩卷六

六

川閣烏尾已接西陵煙
三峽欲盡尚迤邐云十二
碚紛鈎連頗聞中有第四泉
康王谷水差隨肩峽窮碚
轉詫竒事忽見飛瀑流
瑤潺爬沙終古此巖

側青冥無路誰昌黎詩爬沙脚手鈍
誰使汝解緣青冥江風吹笠冷毛

髮峽雲挾雨鳴船舷
大索旂養貯飛雪旋去屐齒窮
危巔橫斜拾級一徑上
藤梢橋刺相糾纏
鉞炮槎牙澀苔蘚
清泉百道爭涓涓
陰洞終古闕白日

神漢噴薄鍾乳堅
石壁麤惡艱
巖錯題名豈辨唐

宋年永叔涪翁詩不減
誰為好事重鎚鐫
名山蒙

頂壓顧渚蒙山茶出
蜀名山縣春芽開裏勞
真少前山谷詩巴人漫說蝦
蟆碚試裏春芽

煎下巖轉舵未忍去下牢關外斜陽懸

十二碛

黃陵廟前聞櫓聲一灘纔過一灘迎
三千里外峽程盡十二碛前秋水清

欲訪三遊洞不果

舟下十二碛西陵遙在目江雲峽口多碛轉猶千
曲悵望三遊洞靈異非一族石鍾卧蒼蘚唐碣迷
深竹緬懷長慶人一往遂不復斜日下牢谿依依
為誰綠

抵彛陵二首

漁洋續詩卷六

七

西陵雄鎮地佇立望荆門蜀水天邊綠巫雲峽口
昏三湘初落木萬里飽聞猿翦紙勞僮僕為招久
客魂

扁舟天上落迴首萬灘高斜日明西塞秋風過下
牢江湖初莽蕩吳蜀幾旌旄至喜亭邊泊椎牛也
自豪

西陵竹枝四首

今彛陵州

蜀道艱難易白頭羊腸虎臂又黃牛西陵纔過荆
江出聽盡猿聲是峽州

峽江三月櫓聲齊扣拍哀歌高復低十二碛邊初

起汕日斜還過下牢溪巽陵俗以三月初八十八廿八三日起汕相率扣拍而歌悲愴慷慨乃獲多

魚唯十二砵以上下牢溪以下數十里為然

金釵繫接髻，枋叉繫年年聚此鄉。江上夕陽歸

去晚白蘋花老賣鱖魚。俗以八九月取鱖魚先布網而後下，又謂之叉繫，其地曰繫，曰枋。

荷燈百尺接秋河，猶似秦兵駐綠蘿。更說元宵好

風景竹枝歌續採茶歌。元夕連袂唱竹枝採茶歌，七夕家家張荷葉燈，云昔秦白起伐楚將燒纓。

陵望見城中燈火而止，遂沿至今也。

歐陽公絳雪堂

索笑巡簷日幾迴，蠻花解勸掌中盃。祇憐景祐升

平日也，遣先生上峽來。

漁洋續詩卷六

漢景帝廟昭烈奉木主至此

陽陵何處是遺廟，此中洲落日西陵。渡寒江楚塞

樓，天心紛割據，鼎足失炎劉。太息英雄遠，樓船下

益州

宜都縣南中流大風

南首獠亭路茫茫，白浪間風生羊角。戍山盡虎牙

關，忠信平生志，波濤絕域還。湘東飄泊日，深入五

溪蠻

枝江道中

愁絕丹陽道，蕭條暮雨時。天遙孤鴈沒，江闊一帆

遲庾信臺空在懷王家尚疑且隨鷗鳥去今夜泊
松滋

楚懷王墓二首

當年遺恨割商於故國秋風總廢墟望裏丹陽杯
土在寒潮猶似哭三閭

百里洲前望楚江斜風吹雨暗篷窻可憐雲夢三
千里弱繳誰加鳥六雙

發松滋縣

平楚望蒼茫江流入大荒荻蘆無近渚鷺鶴只高
翔雲夢秋風晚蒲胥舊恨長空留形勝在千古說

漁洋續詩卷六

九

荆襄

荊州懷古

白帝城邊醉放舟夕陽荆楚此登樓驚心割據三
分地放眼關河萬里遊山色茫茫江夏遠風煙漠
漠渚宮秋何須更續英雄記今古無人似仲謀

荊州晚泊

東下三千里纔過故郢城江風吹畫角朔氣動高
旌漢上諸姬盡湘東古墓平沙頭今夜月還照呂
蒙營

江陵書感

先祖方伯公曾以儀郎
奉使扈故惠王之國

先公持節地今日復經過江漢流如昔興亡事若
何人歸銅馬後士豈鯽魚多信美非吾土登樓發
浩歌

荊門州

望望荆門外茫茫驛路寬北風江漢起暮雪郢中
寒野燒荒原斷昏鴉古木殘遙憐季行役白髮望
平安

黃叔度墓

落月漢江上檣烏初動時一抔披馬鬣千頃拜牛
醫鄙吝消何有清流本自危如何無愧色唯說蔡

邕碑

蠻水

萬里崎嶇入劍門夜郎南去瘴雲昏楚鄉今日經
蠻水迴首蠻荒更愴魂

漢江望鹿門山

大堤一長望窈窕紆林壑聞有龐公居攜家因採
藥僧歸鹿門寺帆轉襄陽郭耆舊復何人煙霞今
寂寞

望龐居士山

雲煙杳杳樹幢幢消息憑誰問老龐斜日漢川秋

水閣居然一口吸西江

習家池

山公酩酊處遺跡峴山頭
院靜寒山落川明宿霧收
依然池上水遙接漢江流
谷口微鐘發蒼茫起白鷗

萬山

新釣槎頭縮項鱸
楚姬玉手鱠紅鮮
萬山潭水清如昨
只憶襄陽孟浩然

襄陽口號

豈有酖人羊叔子
更無悔過竇連波
殘碑墮淚迴

二三九

漁洋續詩卷六

十一

文錦一種銷沈可奈何

襄陽弔孟浩然

五字清詞入杳冥
朱絃寂寞若為聽
鹿門東望魚梁外
聊與題詩寄孟亭

羊太傅祠

峴首何寥落猶存太傅祠
門臨漢川水淚墮郢中兒
東第無歸日西江有斷碑
天涯落帆客一薦楚

江籬

峴山和孟公韻

往者不可作含悽方在今
峴山風景地名士幾登

臨陵谷須臾改殘碑涕淚深高陽池上酒憑仗一
開襟

檀溪寺

沙門道
安所居

欲渡襄江雪意寒襄陽耆舊已凋殘清谿老寺城
南路獨憶彌天釋道安

隆中

咫尺隆中路如聞梁父吟地傳龍卧久山接鹿門
深遺憾留關隴高風激漢陰沔江流不盡西望一
霑襟

放鷹臺

漁洋續詩卷六

十二

漢江東去有高臺煙樹蒼蒼楚望開走馬銅鞮坊
北路少年齊唱野鷹來

劉景升冢

豚犬兒郎霸業空冢中人不愧英雄一盃遙酌襄
江上愛汝名高俊及中

渡漢江次樊城二首

昨過瞿冢陽今來漢臯曲萬里故人心江流鴨頭
綠

樊口隔銅鞮江樓烏夜啼行人渡江去回首峴山

西

大堤曲四首

何處白銅鞮相逢大堤曲樊城多酒家郎在誰家宿

送歡鳳林關別歡桃林岸紅桃作花時與歡復相見

漢水綠頭鴨朝朝自呼名何時覓歡去附書到江陵

東漢房陵來南流武昌去西漢下巴陵會是相逢處

估客樂三首

漁洋續詩卷六

三

大艚趁潮來落帆向樊口盤鱸槎頭編盃泛宜城酒

大堤諸女兒三五花映肉斜月半江樓低徊就郎宿

與郎定情時歲蕤黃金鑰不識墮淚碑但道襄陽樂

新野道中

窮冬風易緊暝色路何長蠻落黃郵聚寒林赭水鄉雁聲過宛口帆影下襄陽迴首昭丘外雲濤墮

渺茫

南陽

漢家陵闕晚煙重
路入南陽識舊封
何日赤符曾應識
至今白水尚朝宗
炎精十世飛雄雉
鼎足三分起卧龍
惆悵銅駝經幾度
西風博望一聲鐘

關東卧龍岡

五丈原頭望秋風
落大星空留高卧處
古柏日冥冥

寄懷鄧州彭中郎直上兄弟兼憶仲亮寧遠

禹峰方伯子

舊識中郎美新高
第五名中原傳二妙
故國繼三

三子世

漁洋續詩卷六

十四

甥阜帽遼東客
青山宛葉情
羨君名父子
家本冠軍城

寄于浙川道子

西望商於地
風前木葉紅
荒城三戶在
官舍萬山中
歸路日猶遠
故人今不同
浙江通漢水
心折武關東

博望城

持節西窮萬里源
至今黃鵠怨烏孫
空聞寶馬歸天廡
不見征人入玉門

懷西樵先生

何事竟抽簪翩然返舊林寧無子牟戀且慰老萊
心白水犍城遠青山鴉路深楚天南去鴈嘹唳動
哀音

過長沮桀溺耦耕處

曾讀陶公傳潦潦沮溺心耦耕餘故跡流水抱寒
岑鳥下日將夕雲歸山半陰從來避世者不厭入
林深

葉公祠

蕭條醴水暮煙封古殿青苔上廢鐘地下子高應
一笑世間誰解好真龍

三四七

漁洋續詩卷六

五

望石門山高鳳隱居

頗聞石門山高公有遺跡復有元丹丘於此鍊金
液溪雲飛鳥曙蘿月清猿夕我欲往從之卜鄰醴
西宅

襄城道中

角角逐鳴雞遥遥信馬蹄雪殘雍氏北月落潁陽
西序已三冬晚途猶七聖迷汝南名士盡望古一
含悽

拜李元禮墓

潁水東流去不迴漢家司隸泥城隈西園官爵歸

常侍北部髡鉗記黨魁一代荀陳師友誼千秋蕃
武死生哀歲寒謾謾松風裏猶似龍門御李來

渡汝水戲作襄城君曲

楚莊幸事
見說苑

手
玉劍翡翠衣光照清川口不願楚執珪願得執君

潁川懷古

懷古過陽翟西風落照時廣成何處問童子信堪
師喬木臨清潁寒煙望具茨何因稅塵鞅還共羽
人期

潁亭

漁洋續詩卷六

十六

青山圍潁亭下有清潁流石瀨何淺淺力始勝方
舟金沙映素儵策策千萬頭斜日照冰雪微風矯
輕鷗側身望終古企彼巢與由糠粃鑄堯舜心與
造物遊不逢挂瓢人北指軒轅丘

滎澤渡河二首

西湖岷峨萬里長大河北去渡滎陽平分兩戒迴
中岳直下三川阻太行咫尺風雲迷廣武蒼涼曠
日射扶桑時清久失成臯險醞酒黃流弔戰場

渺渺星槎擊楫登鴻溝極目氣飛騰已過白雪三
城戍初試黃河十月冰沙磧連雲朝牧馬獵圍行

炎晚呼鷹金堤東下羸門路落日寒煙弔信陵

廣武山

朝登廣武山四望古戰場黃河決湓流寒日無晶
光孤獸索其羣驚鳥亂無行平沙轉飛藿白骨堆
嚴霜昔者英雄人於此分霸王強弱理無恒得失
爭教倉名騅蹶陰陵萬乘入咸陽東指芒碭雲五
色成龍章大風沛上來遊子悲故鄉

渡河西望有感

使者河源復却迴杖藜曾記到雲臺高秋華岳三
峰出曉日潼關四扇開星宿海從天上落崑崙槎

三十九八

漁洋續詩卷六

十七

自斗邊來何時更訪茅龍去東望滄溟水一盃

新鄉望蘇門山懷孫鍾元先生

朝來衛河上遙見蘇門山蒼翠雜諸嶺清涼分百
泉緬懷松舟趣長詠竹竿篇及茲限跬步擊汰失
夤緣遙憶嘯臺翁山中方晏眠兒孫繞膝下洞壑
當門前茶臼隱脩竹蓮舟隨稻田少年任豪俠白
首此終焉無由逐高鳥矯翮青冥邊

帶經堂集卷二十九

歛門人程哲校編

新城王士禎貽上

漁洋續詩七

甲寅稿 小祥後詩一十八首

梧臺道中

濕雲重疊雨濛濛
岸繞梧臺路向東
春事蹉跎過
寒食齒牙零落半
衰翁匆匆山色溪流外
寂寂人煙麥秀中
觸忤三年傷逝淚
花枝不照九原紅

先宜人及

兒渾履踰一年浙履二年先兄西樵歿亦半載矣

寄張杞園兼呈靈轡道人

麥苗剌剌欲分畦
小雨愔愔乍作泥
想到范泉亭

三三五五

漁洋續詩卷七

子上人煙杳杳望禪棲

贈徐東癡先生四首

東臯三畝宅歲歲掩柴關
自得知仁樂因居廉讓
間夕煙隱桑柘曉色見雲山
爲問冥冥者何須放
白鷗

浩蕩江湖興扁舟過富春
兩臺雲漠漠千尺水粼粼
偃蹇狂奴態飄零沙社人
垂竿與晞髮萬一共
悲辛

秦楚縱橫地商於宛鄧西
棧危驢背滑吟苦帽簷
低戰壘猶烽火窮途且杖藜
倦遊歸卧穩高枕碧

山棲

情親二十載迴首颯風颺白髮催前事青松識後
凋何須論出處只合共漁樵別有人琴痛勞君賦

大招

謂亡兄
西樵

寄東癡

夏早秋更雨新筍晚角出紫籜舒錦棚銳上如卓
筆幽憂寡清歡懷彼林下逸對雨有微吟清齋散
愁疾適從武關來千峰背寒日鴉路極盤紆汝水
中蕩潏山川入竒抱波瀾浩難詰佇君梁甫吟將
遺慰蕭瑟

三九八

漁洋續詩卷七

二

徐五兄自號嵇菴

我慕阮步兵君學嵇中散平生竹林期鳧鶴誰長
短君抱出世姿夙昔薄軒冕彈琴聊自足採藥忽
忘返且復龍性馴兼之養生善嗟哉雋傷道斯語
君知免獨應七不堪彷彿嵇生懶我本澹蕩人早
歲頗任誕一聞如鸞嘯自顧為人淺廿年嬰世網
歲月坐晼晚往往逢途窮痛哭迴車阪深慙至慎
言薄俗誰青眼永懷素心侶詎異平生撰空傳周
僕射遠欲希嵇阮

七月廿一日夜雨哭長兄

秋堂雨千點離人腸百結盡將今夜雨作我眼中
血追憶故年時倉皇成永訣白頭哭寢門寡妻天
同穴百身詎可贖呼天但嗚咽石火倏一周搖落
紛暮節舊館莓苔荒歌案琴書列茫茫人代速寂
寂音塵絕四序不少留絲組易衰經蟹匡蟬有綏
而我服當闕常懼歲月疎遂使哀情竭生存華屋
處零落重泉閑空留身後名青史誰優劣我年亦
四十飛騰如一瞥相逢儻有時一笑攬涕肩

輓姜貞毅先生

先生諱埰字如農萊陽人故明給諫以言事
謫戍敬亭後流寓蘇州治命葬敬亭山下

三五六

漁洋續詩卷七

三

曾聞碧血裹朝衣滄海橫流萬事非生已變名吳
市去死當埋骨敬亭歸空山落日鳴鷓鴣孤墓深
春長蕨薇魂魄傍要離君愛弟英靈來往怒濤飛

先生

弟吏部掾字

如須葵吳郡

輓蔣虎臣先生

先生養疾峨眉
尚 hands 書見及

西清三十載九病一遷官晚憶峨眉好真忘蜀道
難法雲晴浩蕩春雪氣高寒萬里堪埋骨天成白

玉棺

過念東先生兼贈唐濟武太史五首

犢車載書行輾輓遠山近山青斷續中年有味少
游言真悔伏波作田牧

幾度登臨憶侍郎平泉無復舊時莊海山兜率神

清洞迴首崖州笑贊皇

先生有別業頗擅丘壑之趣近斥賣之矣

琴薦香爐紅樹裏隱囊紗帽白鷗邊玉堂天上渾無夢任放交牀自在眠

破茅不補槿籬斜茵菖叢殘有數花愛此天然風味好只如退院老僧家

西林學士倦詞頭壁挂銀魚不記秋好事他年作圖畫往來二老亦風流

同東癡過善慶菴小憩泚亭感懷孫文定公

故相禪樓一壑存溪聲山色共朝昏林花自落經

二二八

漁洋續詩卷七

四

行地岸石曾傳數坐痕想見角巾辭政府長留玉帶鎮山門獨憐前輩風流盡愁聽疎鐘與夜猿

養疾山中初到柳菴遇風雨

日暮羣峰雲氣迴遙林風雨更相催白蘋溪上孤幢見紅葉堆中數騎來廿載重遊誰健在三生浩劫自興哀蜜林不見琴聰老塔院微鐘禮辨才

帶經堂集卷二十九

帶經堂集卷三十

歙門人程哲校編

新城王士禎貽上

漁洋續詩八 乙卯稿

江正鹿角膠墨 梅澗公所寄

深山五月中鹿角暖初蛻取作黃明膠良工妙調
劑黃海松萬株壽者幾千歲古屋收輕煙萬杵功
不細易水渺已遠潘張復誰繼歙州有江正妙絕
擅斯製故人鹿裘翁愛我一丸惠老無諭糜賜研
田蕪不薙晴窓手摩挲風日忽開霽袖中官奴帖
飛動苦難逮牙滑剌溪藤熟視空睥睨啜汁亦復

三十五

漁洋續詩卷八

一

佳為君掃文字

謝施愚山寄敬亭茶著書墨四首

珍重宣州綠雪芽釵頭玉茗未須誇晚涼夢到雙
谿路宿火殘鐘索鬪茶

白甄親題記社前紅囊開罷淪清泉桐陰滿地蒼
苔滑紗帽籠頭手自煎

分來劍脊伴雲腴橫理庚庚玉不如更乞宣城諸
葛筆晴窓小試硬黃書

澤門哲與邑中黔一種高風比斷金至竟不須論
白黑東坡居士是知音

漫興十首

潏潏荆襄地當年割據州營連九節度星動五諸
侯已共長江險應關上將憂郭門傳息壤不障洞
庭流

一線金牛道迢迢限雍梁峽猶傳禹鑿山忽兆彭
亡戰鼓黃陵廟訛言白帝倉魚鳧曾夢到回首閱
蒼茫

嗚咽秦川水秋風入鼓鼙妖星躔隴右大將出安
西陸陸將誰附蒼蒼迴不迷似聞寬大詔未忍戮
鯨鯢

三五七五

漁洋續詩卷八

二

烽火傳花馬將軍發賀蘭天心誅叛亟國法受降
寬衙帳青唐入沙場白骨寒亂臣誰貫死史筆後
人看

均房山萬疊林箐杳難分故國傳郎子名城屬冠
軍風煙迷楚望金鼓動秦雲父老思原傑當年舊
建勳

不見離支熟閩州驛騎來大農師漸老使者節難
迴五嶺烽相照三山瘴未開冥冥炎海外目極釣
龍臺

西北和親國王姬禮數殊一朝忘去聲甥舅萬里送

頭顱露布明駢足軍鋒落鴈都六師信神武羣盜
敢枝梧

慘澹蒼梧野風塵入桂林屠沽投閒起巾幗負恩
深銅柱無消息交州竟陸沉何時大藤峽披豁散
重陰

海內兵塵滿乾坤正氣孤數公明大義一死激頑
夫關塞青楓晚英靈白日徂他年看秉筆得慰鬼
雄無

少日論兵事空驚老本身拊膺成一歎食肉爾何
人劇孟能傾楚弦高竟却秦白頭清鏡裏歸卧故
山春

漁洋續詩卷八

三

秋日過子吉讀書齋有懷茗文

翰林官自達疲馬獨行吟日午炊煙寂閉門落葉
深平生有知己高卧洞庭陰莫謂飛沈絕千秋共
此心

謝孫思遠送茶笋

鬪茶竹塢麥秋寒燒笋僧樓穀雨闌寄謝江南老
桑苧也分風味到麤官

逢葉元禮因憶先兄西樵

燕市一為別思君入豫章故園歸未得飄泊更遊

梁遠信誰能達清言極不忘相逢傷逝後握手易
霑裳

戴嵩牛圖

一川莎草煙濛濛曉來雨過開牛宮三尺短筆兩
轂棘午陰掉尾嬉涼風一頭摩角一頭齧寢訛有
態何其工江干笛材老煙竹橫吹髣髴穿林叢綃
素慘澹神理在是耶非耶傳戴嵩田家風物宛在
眼但有耕作亡兵戎我行峨下踰萬里青衣江上
平羌東翠藤紅樹亂煙雨風景略與圖中同一從
羽書急滇海甌粵秦楚交傳烽益部迢遙隔天未

漁洋續詩卷八

四

舊遊有夢尋巴竇旄牛徼外阻王會萬蹄驕馬高
纏駿千村萬落長荆棘何時金甲銷春農童牛不
牯可三歎卷圖風雨來長松

用東坡先生清虛堂韻送黃無菴僉憲歸甘

肅兼寄許天玉

金城烽火連瓜沙榆林盜賊趨彭衙三秦昨夜捷
書至關門百丈開蓮花甌閩格鬪尚未已天南望
斷今無家登隴嘶羣怯班馬及關接翅隨昏鴉甘
州官舍幸少事譯經往往紛天葩河西番帳盡外
徙何妨羊酪煎春茶許生潦倒作秦贅岑牟單絞

漁陽搗竹林諸賢久雨散我亦蟣蝨勞搔爬何時
九州絕豺虎吾徒一笑忘咨嗟小戎賦罷意慷慨
瓦亭西北紛紅霞

二君俱闕人
黃精禪理

同湘北子端二學士子吉侍讀登慈仁寺閣
再用清虛堂韻

化人闕世恒河沙老松攫地龍衙衙盤空閣道下
無地妙香似有陀羅花吾衰作客不稱意每逢望
遠疑還家三關寥落數行鴈雙闕霏微千點鴉翰
林三君負公望高文大冊流滂葩惜我旅病色枯
槁頭綱屢許分宮茶兵車鞞鞞指荆楚門外蕭蕭
多馬搗從來決勝在廊廟詎有羣盜煩梳爬書生
手無五尺箠中宵倚柱徒咨嗟罪言欲吐更指口
遙山雨脚低殘霞

通州水月菴三用清虛堂韻

鳧翁三五嬉晴沙殘僧閉關如退衙黃蘆苦竹隱
缺岸水渼往往飄殘花濠濮會心豈在遠便可泛
宅仍浮家水關上接鮑丘水伯珪戰地啼寒鴉卓
老一杯沒荆棘誰憐文采兼竒葩古人於此兩寂
寞高枕且聽風爐茶漕河如林萬檣立負城時送
迴颿過彷彿扁舟落吾手背癢欲倩鳥爪爬病鶴

觸籠翅翎短老隨雞鶩吁可嗟安得十洲縱汗漫
排空一氣凌雲霞

陳真厚僉憲殉節詩

諱丹赤闕縣人順治辛卯舉人自兵部郎中出爲溫處道僉事總兵

官祖其叛死之贈通政使

爭飛海水動妖氛大節堂堂獨不羣真見司農生
擊賊還同車右死鳴君赤城地遠埋殘骨朱烏魂
歸哭陣雲他日東甌應廟食靈旗風雨夜深聞

楊茶菴僉憲闔門殉節詩

諱三知良鄉人順治丙戌進士神木道僉事參將孫崇

雅板同妻妾二女赴井死贈光祿卿

西來鼙鼓震秦川神木城頭火夜然直向重泉尋

漁洋續詩卷八

六

八口居然一死動三邊飛書大將論功日噬齒孤
臣入地年彷彿并幹明月下苔痕零落聽啼鵲

劉富川江屏殉節詩

諱欽鄒儀真籍廬陵人順治辛丑進士粵西亂死之贈光祿少卿

白沙江上別蒼茫憶爾廬陵節義鄉萬里青燐連
桂管三年碧血照清湘烏啼濺淚逢寒食馬革驚
心裏戰場望斷銘旌何處是蒼梧愁絕暮雲黃

蘭谿丞徐君殉節詩

諱喆廣昌人貢士城破慷慨死贈浙江按察司僉事

連城大帥監降旂獨有微官死報恩故印猶存同
杖節巫陽無地與招魂雙松幾歲哦廳事大鳥何
年立墓門聞道荒城還渴葬怒潮穿脇越江昏

定邊保守備劉君夫婦殉節詩

諱士英朱龍據堡以叛與妻妾郭氏

李氏俱死之贈拜他刺布勒哈番世襲

河套南來花馬池嚴城一夕滿旌旗驚傳絕塞豺
狼窟坐失三軍熊豹姿恤緯孤忠留婦女成仁浩
氣屬偏裨高牙大纛工翻覆請視劉君墮淚碑

遙送嵇爾遐從軍荊州兼寄秦留仙李杞瞻

二首

帕首韉刀氣不羣秀才今復學從軍也知好向輸
中散唯有相思寄楚雲

秦子清真五字詩李生磊落萬人姿他年幕府論

三〇〇九

漁洋續詩卷八

七

功日七寶莊嚴合是誰

贈郝雪海侍御二首

龍性詎能馴依然七尺身誰從燎原日還憶徙薪
人肝膽酬 明主風霜老逐臣 孝陵松柏淚霑
灑又重新

血戰蠶叢日愁雲壓閭中謗書翻置獄刀筆敢論
功又失巴西險何時劍外通憑君重草檄早爲破
田戎

秋夜同容齋說巖二學士聽楊山人彈琴

萬里東歸客七絲聞夜彈泉流巫峽裏猿嘯楚雲

端浙瀝楓葉落寂寥秋水寒無人知此意試問董
庭蘭

紀事

見說溫泉仗經過畢郢原 天言傳近侍小隊駐
期門玉座人間悶銀蠶地下温冬青當日淚真荷
兩朝恩

與曹丹六舍人食蟹

海上有螭蟬力可制於菟縱橫凌風潮一殼能專
車失勢稻芒候八跪充庖厨津門連渤海珍錯首
蟹胥誰遣三十輩束縛就寒蒲磊落堆盤中香味
宜葵菹易酒碧玉色無錢亦須沽與君對持螯風
味思江湖野人厭藜苳腸飢鳴轆轤今朝食指動
襟袖露膏腴酒船數帆健絕勝三日醑寄謝虞嘯
父未須誇鱸魚

雜感四首

隴水洮雲外傳烽萬里通天兵張掖下露布朔方
同賊已亡方望時堪仗竇融明年看置酒圖畫滿
南宮

飲馬洞庭濶連營笳吹聞南人知象主漢表失鄒
君斑竹祠邊水蒼梧野外雲何時真下瀨一試習

流軍

戮力還羌帥孤忠有法王不緣蒙上賞何以警無
將天狗過秦野髦牛隈鬼方古來稱隴蜀成敗幾
蒼茫

一髮東甌路懸軍春復秋何人裹馬革幾輩爛羊
頭禮比長公主榮逾恩澤侯 聖朝寬大德不死
竟何憂

送嶽生都諫休沐歸渭南二首

羣盜方燒棧涇原尚枕戈即應排禁闥未擬老煙
蘿天險嶢關路寒風隴上歌故鄉征調急憂國意
如何

漁洋續詩卷八

九

轉粟真天上孤軍頓利州豈應成左次肯使借前
籌騎氣今方布民勞且未休三秦諸父老應憶繞
朝謀

用韻荅別容齋說巖二學士訥菴侍讀

憂患餘生見面遲故人驚喜鬢成絲茶盃冷澹香
殘處塵尾橫斜月落時沙磧斷鴻千點沒都亭衰
柳數行垂露襟又作銷魂別不為中年好酒悲

再別容齋說巖訥菴

長安幾度別忽作白頭翁君輩還簪筆吾生自轉

蓬王師懸楚塞羣盜橫關中努力匡時略歸心滄海東

趙北口感懷先兄西樵兼痛兄子浣

二十年前翰墨場機雲入洛有輝光新詞競畫旗
亭壁好句同題政事堂往跡空餘堤畔柳昔與兄賦柳枝於此無
年竟識井中桑兄年止四十八玄亭寂寞童烏死天問憑誰

說斷腸

和沈石田鈞弋夫人歌過河間作

漢宮窈窕千蛾眉春花未謝秋風吹落葉哀蟬明
怨惜復道佳人葬桐柏一朝望氣來河間玉鈞乍

三少
漁洋續詩卷八

啓迴天顏朝侍宸遊陪豹尾暮歸別館幸甘泉容
華未老君恩歇西弄迴頭成決絕雲陽南去女陵
旁怨粉零香水嗚咽漢家競說貳師功衛霍勲名
甲第同青史祗今憐趙父茂陵煙草亦連空

阜城感偽齊劉豫作

殘堞昏鴉外人煙古阜昌龍蛇逢戰鬪殺癩慨興
亡父老思宗澤朝廷負李綱紛紛齊與楚一笑對

斜陽元裕之詩河邊殺癩尚能飛無角無鱗自一齊張邦昌亦河間東光人

東方曼倩故里

據地曾聞隱漢庭殘碑斜日樹冥冥禪衣綠幘俱

承寵誰向金門問歲星

過邢子愿先生墓

秋晚犁丘道西風黃葉深
婆娑歎官柳惆悵少來禽
一代風流絕孤墳牧豎侵
通家懷舊客重操雍門琴

閱先兄故書泣賦

丹鉛脫手尚依然淚灑蛛絲對舊編
南面百城如昨夢河東三篋憶當年
縱橫鼠跡承塵上零落苔花廢砌邊
痛絕人琴今已矣牙生從此竟摧絃

偶題陳賡明集後

蕙澤續詩卷八

十一

月地雲階夢不成
卧聞宮漏隔蓬瀛
行人莫唱湖州曲
錯恨當年謝道清

寄宗定九

灣頭東去水如煙
最好清明被袂天
可憶南唐徐騎省
暮春橋畔過年年

徐鉉海陵詩暮春橋下手封書

傷十笏草堂梅竹二首

蒼苔被門巷風動蕭蕭竹
孤鳳不重來磊砢空節

目

種樹人何在
三逢歲暮時
夜來風雪裏
無復舊連

枝

荅淵公見寄

南望琴溪水常懷梅子真一爲江海別九賽敬亭
神畫樣今無敵詩名舊絕倫臯魚三載淚千里共

霑巾

淵公盧居寄詩云北堂
齊飲血南國適興戎

對月呈東癡

明月不妄照微雲翳高空耿耿幽士懷獨抱明月
終晨雞未肯鳴長夜幾時旦閉戶霜露繁彌此盈
襟歎

過古城

格孫城外遠煙迷瘦馬凌兢上大堤茅屋幾人輸

三光

漁洋續詩卷八

十一

井稅田家終歲把鋤犁殘碑剝落橫苔蘚古道縈
迴長蒺藜陵谷消沈盡如此一聲村落夕陽雞

五君詠

劉考功公駢

劉生慕節俠杜陵一男子從軍驃騎幕長嘯蘇門
裏萬金輕鴻毛妻子如脫屣少日魯朱家爲官偶
然耳

施少參尚白

宛陵實盛德卓犖爲真儒馳情慕周孔抗志希黃
虞作爲一家言頗縱七略書從政三十載屢空方

晏如

汪戶部茗文

左司固簡傲狂狷乃其真邈然望終古豈顧世上人
軒冕詎足貴雲壑心所親著書洞庭上寥寥誰問津

梁侍御曰緝

陽夏善閉關性不因人熱偶然騎驄馬非意固不屑
一歸嵩陽寺邈與世相絕作佛固未能蕭然自禪悅

董侍御玉虬

漁洋續詩卷八

三

易農不羈士爽朗多所遺脫略梁竇勢放浪班馬詞
一迴秦州駕高卧荆谿湄文園自消渴猶聘茂陵姬

西堂甘橘初熟招東癡二首

昨宵霜信熟黃甘小閣離離夕照酣爲報故人須
過飲挂帆何必洞庭南
楚頌吟來憶左徒酒牀新灑待招呼田園別後春
蕪長欲買青山種木奴

集陶寄初菴

初菴頃有古詩四章見贈其末章相勗以孔子孟之旨懼不敢當屬方南歸未暇報也齋居少

事偶集陶詩因以酬

贈取足達意云爾

風雪送餘運離憂悽目前百卉具已腓青松在東
園衰榮無定在憔悴由化遷古來功名士駟馬無
貫患慨然念黃虞百世當誰傳東方有一士邈然
不可干道喪向千載復得返自然抗言談在昔所
說聖人篇翳然絕交遊甘以辭華軒豈不寒與飢
道勝無戚顏汲汲魯中叟千載乃相關弱質與運
頽僂俛四十年懷古一何深任真無所先厭聞世
上語寧效俗中言持此欲何成白髮一已繁伯牙
與莊周高操非所攀聊得從君棲從今至歲寒

歲暮再赴京留別仲兄禮吉因懷叔兄子側

源洋續詩卷八

十四

倦翮歸來定不疑無心更借上林枝秋風曠野三
年淚暮雪河梁五字詩故國青山頻怨別高堂白
髮晚垂絲鵲鷓幾處分飛急夢裏淮流漂母祠

寄王築夫兼悼雷伯籲

歲晏窮陰合懷君甕社湖飢寒千卷破契闊十年
徂顏燭齊高士康成漢大儒艾陵今宿草灑涕問
諸孤

寄懷費此度

避地彭門叟高蹤市令稀著書東海曲秋水閉柴
扉灌口家何在靈關戍不歸岷江來萬里西望苦

霑衣

兩得孫無言書

歲晚論交道蕭條有幾人多君黃海隱猶見白頭
新別墅同看竹扁舟共採蓴山陽聞笛夜寂寔定

霑巾

君與亡兄西樵
曾為吳越之遊

德平謁葛端肅公祠

星精當日降鈞盤故國祠堂伏臘殘一代大名垂
宇宙百年正氣肅衣冠蒼苔漠漠哀湍瀉翠栢亭
亭落照寒碑字不隨陵谷滅穀城文筆後人看

趙北口作

漁洋續詩卷八

十五

嚴冬澤腹豎魚陟未負冰沖沖鑿冰子凌霜戒晨
興鱸鮪與鰕鮓萬命懸一罾前魚已失勢後者復
相仍蛟龍改窟穴雲雷遂飛騰嗟爾鬣鬣微瑣細
非所矜天地發殺機陰符方見稱

過龔端毅公舊第

往日平津邸蕭條斷掃門春來雙燕子猶憶玉人
恩

雪中送酒與東癡二首

清晨起盥漱開戶聞騷屑風微竹煙淡雪重松枝
折餅冰寒屢凝爐香散還結忽念東臯子孤懷抱

冰雪

東臯未三里潢水凡幾曲風雪掩荒蹊往來斷樵
牧先生高卧處柴門翳苦竹雪深門未開村雞鳴
喬木日高炊煙絕吟聲出茅屋欲寄一瓢酒聊以
慰幽獨天晴儻來過就我西齋宿

雪中題七賢過關圖

雲重雪堆門空堂破帽温風流七賢遠圖畫百年
存鳥沒藍田縣梅開灞水村開元舊詩老招得幾
吟魂

題黃鶴山樵畫卷二首

以下四首為徐東庵隱君賦

三九十二

漁洋續詩卷八

十六

吳興家法落人間風景無心筆墨閑脩竹千頭溪
一曲祇疑身在道場山

憶昨茅齋雪霽時地爐松火夜談詩春風騎馬長
安去如此溪山坐付誰

倪元鎮寒林小軸

扁舟憶過橫林渡袖手煙波愛晚寒不見高人清
闕子殘年還向畫中看

橫林元鎮故居

朱璧揭鉢圖

方寸水精鉢中有寧馨兒崔巍青蓮座上有入天
師一人窈窕美且頎迴風髣髴捎雲旗作使羣鬼

無不爲神姦萬億連尻睢震雷熒熒雷車馳脩羅
刀鼻雨不訾飛龍衙衙勢躩踞前有飢蛟後肥遺
或騎朱虎驂文狸狹猱駛傘騶吾夔蹄者角者毛
形形銅弩蹶張齊發機彤弓旅矢射麗龜齧齧伐
鼓聲振悲師子之鎧劔鉞鉞懸撞度索上騎危牙
齒棧鬱肩隱頤左擔雞足移須彌威容廣大調御
姿不聞不見坐若尸天花青紺下歲蕤山鬼邪掄
不得施授女五戒跪涕洟豈悟前因羯肌夷賓伽
解脫母性慈山河墨點無瘡痍顧陸不作作者誰
崑山朱璧能繼之絹素黔暈丹粉瀉神彩浮動窮

漁洋續詩卷八

七

毫釐城北徐公虎頭癡三日不食坐茅茨抱持此
卷忘朝飢大雪叩門索我詩開卷一引千留犁呵
冰災硯爲此詞十指皸瘃兩肘胝杜陵老叟不可
追金粟神妙徒嗟咨

臘月六日大雪遊兔柴登西佳樓

谿谷清寒雪意濃騎驢曉躡躡西東危樓更在千
峰上獨叩仙人白兔公

雪中登黃山

空齋蹋壁卧忽夢溪山好朝騎秃尾驢來尋雪中
道石壁引孤松長空沒飛鳥不見遠山橫寒煙起

林杪

贈南村張處士

霖

二首

風景閑園裏蕭然覆盜門池塘一雨足嵐氣四山
昏幽事蠶桑月鄰家農圃言更無租吏迹送老此
南村

手種蒼松子今來三十年枝摩青漢上葉覆草堂
前聲急宜春雨風多豁醉眠茯苓應可鬪看汝作
頑仙

三十二

漁洋續詩卷八

六

帶經堂集卷三十

帶經堂集卷三十一

歙門人程哲校編

新城王士禛貽上

漁洋續詩九

丙辰稿

望醴泉柳菴諸蘭若却寄東癡

白首不解事青山長笑人夕陽谿寺遠煙塢野梅
春流目謝高鳥懷芳紉綠蘋近慙徐處士蕭灑古
衣巾

題家書後寄內

甲煎宿火照簾櫳簾外初弦月似弓取次玉梅花
勝雪故園應暖試燈風

漁洋續詩卷九

過惜華

惜華相對玉孌顏五度經過未一攀牀側都拋新
蠟屐眼中虛負好溪山

呂忠節公輓詩二首

爲敬芝
侍御作

一自澠池渡風塵天地昏銅駝悲故國龍種失王
孫司馬空居洛巫陽詎返魂長令懷古者流涕上
東門

紫陌臨伊岸青山抱洛中殺函失天險父老哭遺
忠秉國人誰在騎箕恨未窮橋陵西望近應逐鼎

湖弓

為許生洲比部題梅淵公畫

柏視山中舊草堂溪流森森樹蒼蒼白雲谷口不
飛去卧聽松風春晝長

送嚴蓀友歸錫山兼寄秦留仙太史馬雲翎

孝廉

逸人困軒裳如鳥佛其首雕笈望青冥萬里亦何
有遐哉黃鵠舉所志在林藪東南有具區浩蕩坤
輿厚五州勢參錯龜甲布奇偶奇峰七十二韓魏
連足肘九龍一拳石獨立震澤右譬流星字字落
地成杵臼嚴子結廬處嵐翠涵虛窟屋上第二泉

漁洋續詩卷九

二

出險清瀏瀏孤松繚十尋修篁攬千畝唯德必有
鄰天馬龍為友謂雲翺秦生參軍事高牙鎮油口不

異臣朔飢射覆誇窶數寄聲碧山社招隱來何後
題董舜民蒼梧詞追悼詩士文友

南望毘陵路江流日夜東應徐常調盡稽呂舊遊
空才子蒼梧怨清詞白苧工依然鄰笛起悽斷夕
陽中

京師遇梅淵公

天畔澄江小謝城故人不見十年情相逢一笑長
安市席帽依然太瘦生

張友石戶部得雷氏琴

枯木向千載中有太古音君子重拂拭寄此山水
心閑庭何蕭條苔色上衣襟爐煙方斷續房櫳杳
森沉遙懷託散暢古調刪哇淫良以辨廉志詎必
徵黃金相賞在松石蕭然風滿林

送曹頌嘉舍人歸江陰二首

朝來抽手板長嘯片帆歸遙憶春申宅蕭條秋鴈
飛慈親認衣線稚子候荆扉子亦懷歸者搖搖心
事違

寥落丹青引清門感慨多雄才失橫槊叛將未投

二三及

漁洋續詩卷九

三

戈江縣稀烽火郊居掩薜蘿與君燕趙別岐路一
悲歌

送許竹隱之紹興三首

頭白征蠻府飄零萬里歸會稽鄉郡接太未羽書
稀時金衢漸平鰕菜連漁浦樓臺隱翠微由來巖壑美終

日愛清暉

一棹西陵去名山入剡中放衙臨鏡水行部逐樵
風江渚鳶鳥集蘇臺麋鹿空沼吳兼霸越懷古意
無窮

蟬聲集深樹驛路遍槐花黃鵠逝千里浮雲天一

涯鶯啼范蠡宅草長謝敷家迢遞相思處春風滿
若耶

再送竹隱二絕句

五雲溪畔神仙宅斧子重來合得居猶記元郎詩
句好滿山樓閣上燈初

潮平月落西興渡定憶玲瓏唱我詩到日鏡湖春
色好也應囉嘖有新詞

贈葉井叔三首

別業在樊口門前臨大洄樊水渺東逝大江從北
來蒼翠對吳峴崢嶸臨釣臺紫髯信已矣山川鬱

佳哉蕭條贅叟居門徑餘蒼苔隱跡既蕪沒霸業
隨飛灰唯傳退谷銘流風激蒿萊君詩似贅叟令
我懷抱開豈忘樊上居出處理亦諧江湖就魚麥
日夕增徘徊

作吏客伊洛門對嵩高山山色映終古客心長自
閑朝看飛鳥沒夕對孤雲還聞昔王子喬吹笙碧
落間揮手駕白鶴一往三千年至今緱山上逸響
凌紫煙夫君有仙骨雲駕如可攀遊目憩嵐嶺躡
足升天關盧巖瀑布佳百丈聞琤潺懸流澌冬雪
密樾生夏寒何當蠟屐來與君蹋飛湍

樊口去荆江雲濤渺千里估客日上下清風片帆
耳五溪有傳烽飲馬洞庭水鈴旂雲夢多悲笳渚
宮起南岳無迴鴈江介多封豕如聞樊上居風土
異南紀雞犬白雲中桑柘寒煙裏亂不復聞漁
釣信爲美扁舟倘知津逍遙問園綺

再入戶曹戲作

休論顏駟與馮唐執戟重來鬢已霜慙悔儒冠成
底事却從陞楯羨諸郎

展子虔高歡歸晉陽圖

已下三首爲宋
牧仲比部題

黃河浩蕩流三城龍門底柱禹所營巨舟峨峨掉

漁洋續詩卷九

五

三子五

尾鯨乘風破浪來
嘖身臨河魁賀六
渾虬鬣虎視真天
人紅妝執樂一千
指玉貌錦衣充下
陳黃頭鮮卑一何
銳怒如飲飛軒猛
氣露車載酒非狂
生復有敖曹好兄
弟當年霸府氣如
虹洛陽三月珍珠
紅韓陵片石紀元
功晚逢黑獺非籠
東熒惑一朝犯南
斗下殿真成入關
走傷心渭水日東
流鸚鵡跣跣實戎
首展生何年寫此
圖丹青橫絕絕代
無想見樞頭惡馬
如此老公豈人下

周禮綱
惡馬

吳道子鍾馗小妹圖

吳生畫鬼神妙絕古無兩夙生應帝釋威力懾

題此圖閱千劫筆勢窮象罔小妹氣魁岸廣眉半
額頰長劒高拄頤榻具何個儻小鬟捧劍室反脣
微頰仰其一按樂句歌聲切雲上顧步乍蹀躞流
目交眄矐紛髮下雕椎腫背上螢盞人言鬼可憎
此語定非枉阿兄在何許獨跨烏角養或云宗慤
妹破浪助豪爽或云堯辟邪傳會出影響妄言姑
聽之聊復得神賞說鬼老夫能作詩供拊掌

沈周秋林讀書圖

白露變丹葉楓林颯高寒青山出白雲巖壑增孱
顏何人坐林中長日頽巾冠堯舜禹武湯如櫛羅
簡編最愛青牛翁至哉五千言山風日蕭條楓葉
墮我前瀑布擎蛟龍赴谷爲奔川川上小石磯磯
頭插綸竿卷書即垂釣得意遂忘筌我本山中人
見此心依然何當及秋風歸翦茅三間

移竹戲題

齋居飽藜藿兼旬食無肉昨從季主卜筮得蒼筤
竹入世二十年磬折仍負俗愛君霜雪姿磊砢多
節目秋雨日瀟瀟卧起簣篔簹谷露下更婆娑官奴
試難燭

雷雨

溱溱中宵雨天心乍洗兵誰能占噬嗑且欲掃攬
捨甲士猶傳箭丁男久廢耕三秦頻送喜新築受
降城

立秋後作

飄蕭霜鬢客天涯叉手閑庭到日斜何處西風近
秋社滿庭寒雨落槐花

勾龍爽蠟屐圖

磊磊白石瀨落落松竹林林下彼何人蕭灑古冠
巾手中自蠟屐神氣何閑暢人生百年中著此當
幾兩晉人故多癖此癖復自佳錢奴身障簾優劣
何有哉兒子竟辦賊入戶屐齒折寧憶剡中時長
嘯泛溟渤兩人持高屐三人持衣裾作佛靈運後
習氣那復除奇哉勾龍生有此通靈筆把臂方入
林欲呼阮遙集

題留仙然竹集却寄

小孤山下江水平聞君去作潯陽客大別山前江
漢清憶君重過武昌城荆鄂相望纔幾驛憐君來
去隨潮汐盤中縷膾武昌魚座中人物荊州鯽亦
識王門嬾曳裾參卿軍事復何如早將表餌摧強
敵莫爲窮愁且著書

秋夜聞鴈

耿耿漏初長沉沉宵未旦商飈淒戶庭華燈暖幽
幔瀟瀟終夕雨嚶嚶南征鴈竭來高柳陞遙集瀟
湘岸瀟湘兵氣多鳴鏑正凌亂紅蓼雜黃蘆相依
警憂患一身犯矰繳萬里違霜霰北嚮早旋歸寧
忘弋者歎

送徐武令

人生如飛蓬飄轉不得住與君十載別紫髯已非
故邂逅蔓草間為君歌零露歌聲未及已離觴忽
復御森森江上波離離海門樹悵望秋風時客帆
此中去鴈飛京口驛潮落西興渡幾日罷清砧閨
中理紈素

訥菴學士移居

故人長安居門巷碧苔色徑僻少人過空庭唯鳥
跡長思茂陵卧未厭承明直仕宦本易農胡為方
食力圖書盈五車茅茨唯四壁室聞原憲誦家鮮
公儀織晨夕隔望衡徘徊坐成憶

唐寅紈扇圖

健仔辭輦後無復承恩宴綠草萋廣庭流塵掩華
殿幽懷寄搗素密意題紈扇淒涼柘館閉繾綣昭

陽譙運往恩潛移常虞委霜霰太息木門謠含情
望飛燕

捐石圖

平生五岳懷寄此一拳石落落重甌具蒼蒼古苔
積且置南宮笏聊閑謝公屐石顧不重耶今朝有
捐客

送比部蘭陔兄歸常熟二首

又擬歸田賦離心不奈何丹楓吾谷晚秋水尚湖
波別墅親魚鳥涼衫集芰荷祇今論出處林下一
人多

朝市浮雲變名流碩果存濯龍衛尉騎羅雀故侯
門袞袞還如此悠悠那足論因君思舊隱水竹渭
南村

夢中作

涼雲止復行水花開更落煙柳夕陽時蟬聲動高
閣

聽張晴峰員外彈琴

愛君園林好花藥幽蒙茸淥池澹將夕蘋末來清
風美人惜流景目送孤飛鴻何以寫我心清響寄
絲桐班姬淚秋殿箕子傷離宮瀟湘渺雲水星月

寒魚龍誰知園客絲官默舍無窮屈茨閒空侯繁
音令人聾希聲愛遙夜思盡神相通卷簾滅明燭
月上聞秋蟲

和吳孟舉種菜

丈夫志四海隻手提天綱不然折尺箠爲國笞戎
羌胡爲坐袖手學圃耽滄浪澤國春雨餘溪流碧
泱泱戴笠日荷鋤土膏發勾芒曉露劑白芨夕照
分紅薑葵韭齏蓼蘇紛葩各成行饑饉斑竹筍勢
欲凌滄篔簹登寒具筵糝用鹽豉香野人食不鑿
晨炊挈黃梁詎諳七菹妙聊喜四體強便腹何貴
人日羞大官羊不解出一奇嗟嗟耗太倉鮭菜二
十七風味輸庾郎儻許充園官待我相攜將

送董樵歸成山舊隱

白社何年別威輦相逢颯颯鬢毛蒼飄零楚客紉
蘭佩蕭瑟無且剩藥囊隱處神山鄰九點愁來兵
氣動三湘水仙操罷扁舟去海水天風萬里長

招魂

八桂荒雲外三湘落照中空城盡豺虎戰士幾沙
蟲生死無消息傳聞有異同招魂關塞黑杳杳暗

青楓

詠古二首

苦節不可貞，高名信難處。太行起中庭，谿谷何深阻。力艱墉射隼，機深壁忘鼠。何如南山南，荷蓑看春雨。

倉頭與廬兒，時聽傳呼寵。道逢東門侯，錄錄詣卑冗。朱門忽雀羅，白楊起狐豕。狐兔穴隧道，牛羊上丘壠。達哉袁山松，挽歌令人悚。

題王文安公畫

為牧
仲作

在昔孟津公，詎頗慢世結。習稱畫師，往往得三昧。山路緣秋臺，上與青冥際。孤舟泊風荻，邸閣懸

漢澤續詩卷九

十一

水碓此境何，蕪絕略與秦。棧似忽憶大，散關巴馬金纏轡。

秦中凱歌十二首

上相乘春西出師，至尊推轂建旌旗。兩宮絡繹黃封下，天廡飛龍賜與騎。

新開麟閣賞元功，頗牧重看出禁中。此去西人須破膽，將軍昨日伐遼東。

康熙十四年國公以副將
軍平察兒罕獻俘闕下

軍中歌舞喜投醪，令下如山戒驛騷。扶杖已聞秦父老，王師有詔肅秋毫。

天上黃河萬里來，巨靈高掌抱雲臺。遙看丞相行

營過日射潼關四扇開

韓文公詩日出潼關四扇開相公親破蔡州來

涇原西北駐王師尺一無煩介馬馳共道 皇恩

天浩蕩不教京觀築鯨鯢

莫愁登隴望秦川休道長安在日邊驛騎流星催

露布捷書三日到甘泉

虎狼十萬競投戈不唱三交隴上歌朝見降書來

北地暮看烽戍罷朝那

慶陽固原相繼降

衮衣照路有輝光班劍威儀出尚方大將纓鞬迎

道左萬人鼓吹入平涼

三軍解甲隗躡宮百丈磨崖待勒功欲紀元和天

三子四 漁洋續詩卷九

十一

子聖更攜參佐上崆峒

丹青圖畫上麒麟五等俄驚寵命新未許熊羆歸

禁籞且懸堂印鎮三秦

部議圖海封二等侯有旨封二等公

河西三將氣如虹百戰功名次上公 詔下一時齊

虎拜漢朝爭羨竇安豐

將軍張勇進爵靖逆侯提督王進寶進奮威將軍總兵官孫思克進涼州提督

三月軍鋒次渭橋旋看飲至紫宸朝空言韓范威

名大五路何曾制曩霄

秋夜

秋氣已沉沈閨中望遠心星河千里鴈風露萬家
砧隴水自鳴咽武溪多毒淫倂將思婦淚遙寄塞

垣深

得秦留仙書知將入楚

還吳戀子舍適楚動離心
列戍洞庭野征帆雲夢林
寒潮秋望遠楓葉暮愁侵
此去逢漁父休爲澤畔吟

寄汪鈍翁堯峰隱居四首

卜築何峰好堯峰近太湖
蓴鱸供客饌橘柚足官租
泥飲從田父題詩付獠奴
蕭然山澤裏真有列仙儒

海內紛傳檄烽煙數驛騷
算緡諸道急伐叛幾年

言五年

漁洋續詩卷九

三

勞久已疑吳淞頻聞赦
貫高步檐還倚杖中夜首
應搔

黃公壚下過感舊每停車
哀樂中年事艱難遠道
書新知虛託契老輩久
離居生意憐枯樹婆娑略
似渠

欲訪天隨子來過角里村
五湖正秋色一棹到閑
門林屋探仙跡咸池問
水源嗒然白雲外相對坐
聞猿

有虎

丙辰八月聞蘆溝橋有虎作

陸吾有九首遠宿崐崙巔
鼉圍恃爪牙下遊睢漳

淵大禹懲不若鑄鼎象神姦昏墊旣已遠鳥獸豈
足患一從淪泗水於今遂千年朝出廣寧門猛虎
何般般昔聞善負嶧胡爲來市鄜山谷人民稀鄜
市多豪賢西顛正肅殺千里無人煙延首望四海
氛祲日相纏貔貙橫閩楚短狐肆秦川爾虎不能
啣橫欲當九關我思中黃伯拳勇過孟賁左接太
行猱彫虎乃右搏桓桓七萃士奮怒毅黃肩前茅
列鏡吹後車載斑斕無須更搖尾藜藿餘空山

題江辰六借書圖二首

何處淹留可判年亂書堆裏日高眠何人解似宣

漁洋續詩卷九

十四

城守手爲江郎割半瓊

飲馬荆江戍火紅龐眉書客悔雕蟲諸生亦有封
侯相一卷陰符兩石弓

贈曹正子

曹有淶水送春帆
之句爲時所稱

淶水悄悄淨可憐春帆的的向吳天詞人愛道澄
江練遣與元暉句並傳

題冒辟疆姬人圓玉女羅畫三首

雪後空庭氣蕭瑟千頭紆竹尚嬋娟畏寒凍雀不
飲啄斜日蹋枝相對眠

疎堂
寒雀

記取凌波微步來明珠翠羽共徘徊洛川森森神

人隔空費陳王八斗才

水仙

堂堂策策百千頭
荇葉菱花滿碧流
彷彿吳興騎
馬處江南風色白蘋洲

蘋花
戲魚

題汪季角百尺梧桐閣卷二首

別館多梧桐
偶此成幽寂
獨向高閣眠
夜聞疎雨滴

百尺高樓上
何人相往還
夕陽海門樹
秋雨江南

山

再題梧桐閣卷

河漢澹中夜
碧梧陰漸疎
幽人坐高閣
秋色滿巖

二五七

漁洋續詩卷九

十五

居風竹同蕭瑟
蒼苔倦掃除
數峰江上好
朝夕映

琴書

聞季角言平山堂已修復
賦寄豹人定九孝

威舟次

憶泛平山載酒隨
紅橋綠浪遠參差
玉鈎斜在餘
荒冢春貢亭蕪沒
斷碑翠羽晚涼低
水鏡溪風斜
日颭船旗傳聞名蹟
還留在十載相望兩鬢絲

和曹陸海舍人壽良懷古二首

長城自壞復誰尤
戰地經過憶唱籌
野鳥啼春寺

門寂可憐猶似白符鳩

右鳳山寺檀道濟戰場

鐵槍名抵周陽五夾寨楊劉各一奇可惜英雄爲
梁死不知世有鬪雞兒

右王彥章故宅

寄陳其年緯雲兄弟

陽羨田無恙何年遂偶耕銅官春薺長荆水暮帆
明曉晚黃鸝好風標白鷺清江南鼓枕夢頻到孝
侯城

東城泛舟

秋氣軫楚悲商颺感梁賦河橋一騁望葉下亭臯

二〇六

滄海續詩卷九

十六

樹叢鴈入雲飛沙禽背船去暮節入羈懷誰能鬚
不素

答盤山拙上人寄電光雲鶴諸集

曹溪遊萬里酌水問南能世界隨緣住人天最上
乘蕭然白足侶不作紫衣僧寄我新吟卷清涼五

月冰

時自五
臺歸

